

Il quint annual da la BCG 2014: in resultat annual solid – in plus dad 1,6% dal gudogn dal concern, naginas midadas areguard la dividenda

Cuira, ils 6 da favrer 2015 – La Banca Chantunala Grischuna (BCG) è sa sviluppada en il rom da las spetgas. Il gudogn dal concern è creschì per 1,6% sin CHF 163,7 miu. Al bun resultat han contribuì in augment legraivel ed ina productivitat excellenta. Considerond il success ha la banca pajà era quest onn ina dividenda da CHF 38 u totalmain CHF 95 miu. al chantun Grischun ed als participants.

- facultad dals clients +2,2% / novs daners CHF -182,7 miu.
- emprests a la clientella +3,3%; ipotecas +6,5%
- gudogn brut: CHF 207,3 miu. (-3,3%)
- gudogn dal concern: CHF 163,8 miu. (+1,6%)
- relaziun da custs e d'entradas II: 48,8% (excl. facturs speziels: 48,0%)
- relaziun Tier 1 / relaziun CET1: 18,9% (onn precedent: 18,9%)

«Ils affars da banca – damai era la BCG – spetgan vinavant grondas sfidas. Grazia a sia productivitat excellenta sco er a sia dotaziun d'agens meds surproporziunala dispona la banca d'in fundament fitg ferm. Las sfidas futuras pon uschia vegnir prendidas per mauns a moda optimistica e cun clera mira, malgrà cundiziuns generalas pli difficilas», constatescha il president da banca Peter Fanconi. «Cun il resultat da fatschenta 2014 essan nus cuntents. Nus avain nizzegià las schanzas da creschientscha ed avain fitgà fitg bain pe en il martgà. Uschia avain nus tschentà las basas per in nov svilup en la fatschenta da cumissiuns», commentescha il CEO Alois Vinzens il quint annual da la Banca Chantunala Grischuna.

Affar dals clients: per l'emprima giada surpassà CHF 30 mia. facultad dals clients

La facultad dals clients è creschida grazia al svilup positiv als martgads da chapital per +2,2% sin CHF 30,2 mia. Surtut il regress da clients cun in domicil a l'ester ha manà ad in scul net da CHF -182,7 miu. en la facultad dals clients. La creschientscha dals emprests a la clientella ha importà bundant 3,3%. Quai malgrà che la banca ha stuì pajar enavos, sin fundament da las novas prescripziuns da liquiditad, investiziuns dal Cash Management da CHF 250 miu. Las ipotecas èn creschidas per CHF 840 miu. ubain 6,5%. Quest augment è stà pussaivel grazia ad ina creschientscha da 3,3% realisada cun finanziair ipotecas cun pouca ristga ordaifer il chantun.

Retgav brut: tariffas bassas dal martgà monetar e dal martgà da chapital engrevgeschan il resultat da la fatschenta da tschains

Il resultat da la fatschenta da tschains (-2,6%) è sa sbassà vinavant pervia da las tariffas dal martgà monetar e dal martgà da chapital che restan vinavant bassas. Las marschas dals respargns e da las investiziuns èn sa reducidas malgrà che las cundiziuns èn vegnidas adattadas. La segirada consequenta dals emprests a lunga vista ha manà en l'ambient da tschains bass ensemen cun il potenzial limità da sbassar ils tschains ad in retgav pli pitschen tar ils deposits da clients. Il resultat da la fatschenta da cumissiuns e da servetschs è creschì levamain sin CHF 113,2 miu. Il regress da las transacziuns en la fatschenta da cussegliaziun e las midadas menziunadas en la structura da la clientella han ins pudì cumpensar grazia al svilup legraivel dals mandants d'administrar la facultad.

Custs da fatschenta: custs supplementars unics da la cassa da pensiun

Il custs da fatschenta è s'augmentads en confront cun l'onn precedent per +1,4 % u CHF +2,3 miu. Las expensas supplementaras è sa resultadas en consequenza d'ina midada dal sistem ed in'amplificaziun da las prestaziuns da la cassa da pensiun (CHF +3,4 miu.), dals quals ils custs supplementars da CHF 2,8 miu. è unics. Malgrà quests custs extraordinaris è la productivitat da la banca, en relaziun cun la relaziun da custs e d'entras II cun 48,8%, anc adina excellenta. Senza resguardar ils facturs speziels munta la cifra distinctiva a 48,0%.

Sminuì levamain il gudogn brut; augmentà il gudogn dal concern

Il resultat operativ (gudogn brut) è sa reduci en il rom previs per 3,3% sin CHF 207,3 miu. Las rectificaziuns da la valur, las retenziuns e las sperditas indebiteschan il conto dal quint da gudogn e perdita cun CHF 6,6 miu., damai cun bler damain che l'onn precedent (CHF 9,2 miu.). Las ristgas da bonitad distgargian il quint da gudogn e perdita cun CHF +1,5 miu. (onn precedent: CHF -0,2 miu.). L'effectiv minimal da credits cun retard dal pajament (Non Performing Loans) è cun 0,18% sin in nivel historicamain bass. Il gudogn declerà dal concern è s'augmentà, suenter l'assegnaziun a las reservas per ristgas da banca generalas, per +1.6% sin CHF 163,8 miu.

Program fiscal da l'USA: terminà las lavurs

La Banca Chantunala Grischuna participescha a la categoria 2 dal program fiscal da l'USA. L'analisa da las datas da la clientella è vegnida terminada tenor plan. Ils resultats cumprovan la validaziun oriunda da las ristgas. La BCG n'ha stuì furnir naginas datas l'atun 2014. La terminaziun da la procedura sa retardescha. Correspudentamain ha la banca furnì retenziuns per ils custs da procedura ed in chasti pussaivel.

Dotaziun da l'agen chapital: la quota dal chapital essenzial da 18,9% è excellenta

La BCG ha a lunga vista la finamira da sa differenziar positivamain dal martgà cun ina dotaziun d'agen chapital surproporzionala. La quota da chapital validada munta vinavant a 18,9% (relaziun CET1) e sa cumpona cumplainamain da chapital essenzial ferm. Cumpareglià cun la quota pretendida dal dretg da controlla da 12,7% (inclus il paraculp anticiclic per ils 30 da zercladur 2014) dispona la banca damai d'in polster enorm.

Distribuziun: CHF 99,7 miu. per il chantun, ils participants e la publicitad

Sin fundament dal bun resultat paja la BCG era quest onn ina dividenda da CHF 38 sco l'onn precedent. La relaziun da pajament munta a 52,3% e cuntanscha damai la dimensiun aspirada da 50 fin 60%. En total vegnan distribuìs via las dividendas e l'indemnisaziun da la garanzia statale CHF 99,7 miu. al chantun Grischun ed als participants. Al fond da contribuziun per projects nuncommerziels dals champs cultura, util public, sport, economia, turissem e societad è danovamain vegnids assignads CHF 2 miu.

Sguard en l'avegnir 2015: in nausch resultat da la fatschenta da tschains

La Banca Chantunala Grischuna quinta per il 2015 cun in ambient pretensius cun tschains negativs dal martgà monetar e dal martgà da chapital. L'aboliziun dal curs minimal da l'euro ed ils tschains negativs influenzeschan il resultat da fatschenta da la BCG a moda negativa. La banca spetga ch'il gudogn per scrit da participaziun vegnia a sa reducir sin CHF 64 fin 68, quai che munta ad in gudogn solid da tranter CHF 160 e 170 miu. Sin fundament da las turbulenzas al martgà spetga la banca cun in'afflussiun da novs daners nets da CHF 200 miu. e d'in augment da CHF 450 miu. en la fatschenta d'emprests. La BCG quinta da pudair pajar er il 2015 la medema dividenda.

Las pli impurtantas cifras distinctivas da la Banca Chantunala Grischuna

Cifras distinctivas BCG (en CHF 1'000)	2014	2013	Differenza onn precedent	
Quint economic				
Retgav brut	381'793	386'587	-4'794	-1.2 %
Custs da fatschenta	-174'523	-172'177	-2'346	1.4 %
Gudogn brut	207'270	214'410	-7'140	-3.3 %
Resultat intermediar	189'000	194'149	-5'149	-2.7 %
Gudogn dal concern	163'807	161'306	2'501	1.6 %
Bilantscha				
Emprests a la dientella	16'365'226	15'840'449	524'777	3.3 %
Facultad da la dientella	30'156'640	29'509'700	646'940	2.2 %
Agens meds (avant l'utilisaziun dal gudogn incl. minoritads)	2'303'678	2'215'949	87'729	4.0 %
Activas validadas tenor las ristgas (incl. ristgas operaziunalas)	11'627'086	11'182'504	444'582	4.0 %
Cifras distinctivas				
Gudogn avant la furmaziun da reservas senza minoritads	181'571	187'480	-5'909	-3.2 %
Novs daners nets	-182'672	361'974	-544'646	-150.5 %
Relaziun da custs e d'entradas I	45.7 %	44.5 %	1.2 %	2.7 %
Relaziun da custs e d'entradas II (excl. Goodwill)	48.8 %	47.4 %	1.4 %	2.9 %
Rentabilitad / ROE	8.3 %	9.0 %	-0.7 %	-7.8 %
Rentabilitad sin l'agen chapital dumandà (relaziun CET1: 12.7%)	12.7 %	13.3 %	-0.6 %	-4.9 %
Gudogn per scrit da participaziun	72.63	74.99	-2.36	-3.1 %
Relaziun CET1 / Tier 1	18.9 %	18.9 %	0.0 %	0.0 %

A Vossas dumondas respunda gugent:

alois.vinzens@gkb.ch

President da la direcziun generala | +41 81 256 94 26

Il sector Marketing & comunicaziun As gida gugent a cuntanscher il pli svelto pussaivel Vossa persuna da contact:

As drizzai a thom.mueller@gkb.ch | +41 81 256 83 11

ubain a hans-peter.rest@gkb.ch | +41 81 256 83 10.

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'070 collavuraturas e collavuratur (stadi dals 31-12-2014). En il chantun Grischun cun sias numerusas vals e pliras linguas, è l'interpresa represchentada cun 65 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turig. En il quint annual preschenta ella cun ina summa da bilantscha da CHF 20,591 milliardas in gudogn brut consolidà da CHF 207,3 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants: 28 da mars 2015
Rendaquint semestral 2015: 31 da fanadur 2015